

Тізбені және инватакси қызметін алушылар санатын кеңейту туралы

Күшін жойған

Қарағанды облысы Теміртау қаласының әкімдігінің 2024 жылғы 9 шілдедегі № 37/3 қаулысы. Қарағанды облысының Әділет департаментінде 2024 жылғы 12 шілдеде № 6623-09 болып тіркелді. Күші жойылды – Қарағанды облысы Теміртау қаласының әкімдігінің 2026 жылғы 3 ақпандағы № 5/4 қаулысымен

Ескерту. Күші жойылды – Қарағанды облысы Теміртау қаласының әкімдігінің 03.02.2026 № 5/4 қаулысымен (оның алғашқы ресми жарияланған күнінен бастап қолданысқа енгізіледі).

"Қазақстан Республикасының "Қазақстан Республикасындағы жергілікті мемлекеттік басқару және өзін-өзі басқару туралы" Заңына, Қазақстан Республикасы Көлік және коммуникация министрінің м.а. 2013 жылғы 1 қарашадағы № 859 "Автомобиль көлігімен мүгедектігі бар адамдарды тасымалдау жөнінде қызметтер көрсету қағидаларын бекіту туралы" бұйрығымен бекітілген, Автомобиль көлігімен мүгедектерді тасымалдау жөнінде қызметтер көрсету қағидаларының 31-тармағына сәйкес (Нормативтік құқықтық актілерді мемлекеттік тіркеу тізілімінде тіркелген № 8950) Теміртау қаласының әкімдігі ҚАУЛЫ ЕТЕДІ:

1. Инватакси қызметін ұсыну үшін объектілер мен межелі орындар тізбесін келесі объектілер мен межелі орындар тізбесімен кеңейту:

"Қарағанды облыстық зағип және нашар көретін азаматтарға арналған арнайы кітапханасы" коммуналдық мемлекеттік мекемесі;

Қарағанды қаласының медициналық мекемелері (жедел (шұғыл) медициналық көмек көрсету жағдайларын қоспағанда);

Қарағанды қаласының әуежайы және теміржол вокзалдары;

Қарағанды қаласының арнаулы әлеуметтік қызмет көрсететін ұйымдары;

Қарағанды облысы білім басқармасының "Аутизмі бар балаларды қолдау орталығы" коммуналдық мемлекеттік мекемесі;

Қарағанды облысының мәдениет, архивтер және құжаттама басқармасының "Зағип және нашар көретіндер мәдениет үйі" коммуналдық мемлекеттік қазыналық кәсіпорыны.

2. Теміртау қаласындағы инватакси қызметін алушылар санатын келесі санаттармен кеңейту:

жүріп-тұруы қиын 18 жасқа дейінгі мүгедектігі бар балалар;

аяқтарында ампутациялық тұқылдары бар екінші топтағы мүгедектігі бар адамдар;

жүріс арбалар көмегімен жүретін екінші топтағы мүгедектігі бар адамдар.

Ескерту. 2-тармақ жаңа редакцияда - Қарағанды облысы Теміртау қаласының әкімдігінің 16.05.2025 № 19/8 қаулысымен (оның алғашқы ресми жарияланған күнінен кейін күнтізбелік он күн өткен соң қолданысқа енгізіледі).

3. Күші жойылды деп тану:

Қарағанды облысы Теміртау қаласының әкімдігінің 2018 жылғы 23 тамыздағы №36/2 "Мүгедек адамдардың құқықтарын іске асыру және қорғаудың кейбір мәселелері туралы" қаулысы (Нормативтік құқықтық актілерді мемлекеттік тіркеу тізілімінде № 4942 болып тіркелген);

Қарағанды облысы Теміртау қаласының әкімдігінің 2022 жылғы 23 тамыздағы №61/1 "Теміртау қаласы әкімдігінің 2018 жылғы 23 тамыздағы №36/2 "Мүгедектердің құқықтарын іске асыру және қорғаудың кейбір мәселелері туралы" қаулысына өзгерістер енгізу туралы" қаулысы (Нормативтік құқықтық актілерді мемлекеттік тіркеу тізілімінде № 29333 болып тіркелген).

4. Осы қаулы оның алғашқы ресми жарияланған күнінен кейін күнтізбелік он күн өткен соң қолданысқа енгізіледі.

Теміртау қаласының әкімі

О. Таурбеков